



METRO AHAD METRO AHAD




"Sebaik menerima dokumen import dari wakil atau ejen pengimport, pegawai kita akan menjalankan verifikasi maklumat konsaimen seperti nombor palet, bilangan ternakan dan spesies"

06/11/2016

Skuad Khas Harian Metro
an@metro.com.my

LEMBU NAIK PESAWAT AIRBUS

Pengimport turut pilih pengangkutan udara untuk bawa masuk haiwan ternakan



PENGUJAT KAWAN MAQIS memeriksa haiwan yang baru tiba.



DR Mohd Syazwan memeriksa haiwan yang diimport dari Australia.

Mungkin ramai yang tidak tahu namun kebanyakan binatang ruminan akan dibawa melalui udara ke negara ini terutamanya membabitkan beberapa negara seperti Australia dan New Zealand"

Mokhtarudin

Animal Hotel beroperasi 24 jam sehari

Sepang: Animal Hotel mengendalikan sekurang-kurangnya 500 konsaimen ataupun penghantaran membabitkan binatang ruminan dalam tempoh sebulan. Pengurus Besar Operasi Kargo Masargo Jamaludin Ismail berkata, pihaknya menyediakan perkhidmatan berkenaan setiap hari. "Kita kerja 24 jam sehari dan tujuh hari seminggu bagi memenuhi kehendak dan permintaan pelanggan," katanya kepada Metro Ahad, di perkarangan Animal Hotel di Lapangan Terbang Antarabangsa Kuala Lumpur (KLIA), di sini. Diminta menerangkan proses yang dilakukan pihaknya membabitkan binatang ternakan yang baru tiba di KLIA dengan menaiki pesawat Airbus 330-200 dari Australia itu, Jamaludin berkata, pihaknya akan mengeluarkan binatang berkenaan daripada pe-



ANIMAL Hotel di KLIA.

swat. "Pesawat ini membawa kira-kira 1,000 kambing serta biri-biri, 20 lembu dan 14 unta dari Australia. "Prosedur Operasi Standard (SOP)

yang diumumkan oleh kita adalah untuk mengeluarkan ternakan berkenaan (dari pesawat) dalam tempoh 40 minit sebelum (binatang) dibawa ke Animal Hotel," katanya.

Ternakan dari Australia jadi pilihan

Sepang: Kebanyakan pengimport binatang ternakan lebih memilih mengimport haiwan seperti lembu dan kambing dari Australia kerana bebas penyakit. Perkara itu turut diakui Pengurus Pemasaran Pelorus Harris Luqman Group Sdn Bhd, Rabiatul Mohamad yang berkata, pihaknya sering mengimport ternakan daripada negara berkenaan kerana ia bebas penyakit. "Sebulan dua kali ataupun sekali kita akan import dari Australia bergantung kepada permintaan. Kita import dari Australia kerana ternakannya bebas penyakit. "Jadi, ternakan ataupun daging serta susu yang diagihkan untuk pasaran adalah yang terbaik," katanya memberitahu syarikatnya sudah lima tahun terbabit dalam kegiatan im-

port binatang ruminan. Rabiatul yang ditemui Metro Ahad di perkarangan Animal Hotel di Lapangan Terbang Antarabangsa Kuala Lumpur (KLIA), di sini, berkata dia juga mempunyai pengalaman mengimport ternakan daripada negara lain seperti Myanmar. "Binatang yang dibawa masuk daripada negara itu perlu menjalani proses tertentu termasuklah kuarantin selama 14 hari. Bagi ternakan ataupun haiwan dari Australia pula tidak perlu. "Ada pro dan kontranya mengimport ternakan daripada dua negara terbabit. Namun, kami lebih gemar membawa masuk ternakan dari Australia yang diyakini dan bebas daripada sebarang penyakit," katanya.

FAKTA

Australia menjadi pilihan pengimport ternakan kerana negara berkenaan bebas daripada sebarang wabak atau penyakit

FAKTA

Ternakan daripada seperti Thailand perlu melalui prosedur tertentu termasuk proses kuarantin selama 14 hari

PESAWAT kargo membawa haiwan yang diimport

RAMP TURN AROUND COORDINATOR